

Moroallo



SABATHA MANTSIBOEA

Bakeng sa Thuto ea Beke ena Bala: *Gen. 6:13–7:10, 2 Pet. 2:5–9, Genese 7, Baro. 6:1–6, Lipe. 106:4, Genese 8, Gen. 9:1–17.*

Temana ea Khopolo: “Empa joalokaha ho bile mehleng ea Nooe, le ho tlang ha Mor’a motho ho tlla ba joalo’ ” (*Mattheu 24:37*).

“JEHOVA a bona a bona bolotsana ba batho hoba bo boholo lefatšeng, le hoba ’mopo oa mehopolo ea lipelo tsohle tsa bona o mobe feela ka matsatsi ’ohle” (*Gen. 6:5*). Kutu-ketso “bona” (*Gen. 6:5*) e tlisa ’mali khatong e ’ngoe le e ’ngoe ea tlhōlo ea hae ea sethathong. Empa joale seo Molimo a se bonang, ho e na le tov, “botle,” ke ra’, “bobe” (*Gen. 6:5*). Ekare Molimo o oa ikoahlaea hore e be o hlōtse lefatše, leo joale le tletseng ra’ (*Gen. 6:5*).

Holima ho le joalo, ho ikoahlaea ha Molimo ho phuthetse tabanyana ea topollo hape. Lentsoe la Seheberu bakeng sa “ikoahlaea” (*nakham*) le utloahala lebitsong la Nooe (*Noah*), se bolelang “tselisa” (*Gen. 5:29*). Ka hona, karabo ea Molimo bokhopong bona e habeli. E fupere tšoso ea kahlolo, e isang timelong ho ba bang; empa le teng, karabo ea hae e tšepisa matšeliso le mohau, e isang topollong ho ba bang.

Lentsoe lena “habeli” le ne se utluoe ho Kaine le Abele/Setha, ’me le ne le phetiloa ka papiso ea meloko e ’meli ea Setha, (“bara ba Molimo”) le Kaine (“bara ba batho”). Joale re le utloa ha Molimo a arola Nooe le batho bohle.

**Ihute thuto ea beke ena ho lokisetsa Sabatha sa la 23 'Mesa.*

Tokisetso ea Moroallo

Bala Genese 6:13–7:10. Ke thuto efe eo re ithutang eona tlhalosong ee makatsang ea histori ea batho ea pele-pele?

Joalo ka Daniele, Nooe ke moporofeta ea lepong pheletso ea lefatše. Lentsoe la Seheberu bakeng sa “areka” (*tevah*) (*Gen. 6:14*) ke lentsoe le sa qaphakang le alinngoeng Se Egepeteng leo hothoeng ke “areka” eo lesea Moshe le ileng la patoa ho eona ho lopolla Iseraele Egepeta (*Exoda 2:3*).

Hape, ba bang ba bone tšoano ea areka le areka ea taberenakele (*Exoda 25:10*). Hantle joalokaha areka ea moroallo e tla lopolla batho, le areka ea selekane e tla etsa joalo, letšoao la boteng ba Molimo hara batho ba hae (*Exoda 25:22*), e supa mosebetsi oo Molimo ao etsang bakeng sa topollo ea batho ba hae.

Poleloana ena “Nooe o etsa kahohle kadoo Molimo o mo laetseng kateng” (*Gen. 6:22*), e koala karolo ea litokiso. Kutu-ketso ‘asah, “etsa,” ho bontša ketso ea Nooe, e arabela kutu-ketso ‘asah, “etsa,” taelong ea Molimo, e qalileng khaolo (*Gen. 6:14*) ’me e phetoa makhetlo a mahlano (*Gen. 6:14–16*). Tšoano ena e pakeng tsa taelo ea Molimo le karabelo ea Nooe e bontša hore Nooe o ile a mamela Molimo kahohlehohle seo a neng a itse a se etse, ho ‘asah. Ho boetse ho’a thahasellisa hore e be eona poleloana ena e sebelisoa nakong eo ho hahoang areka ea selekane (*Exoda 39:32, 42; Exoda 40:16*).

“Molimo o file Nooe limishamente tse nepahetseng le mokhoa o hlakileng oa ho aha areka. Bohlale ba motho bo ne bo keke ba qapa ntho’e matla e thata joaloka eno. Molimo e n’e le moqapi, Nooe e le foromane e kholo ea moaho.”—Ellen G. White, *Patriarchs and Prophets*, leq. 92.

Hape, tšoano e pakeng tsa “areka” tse peli e tiisa mosebetsi oa tsona oa ho lopolla. Ka hona, ho mamela ha Nooe ho hlalosa e le karolo ea leano la Molimo la topollo. Nooe o ile a pholosa hobane feela a ne a ena le tumelo ea ho etsa seo Molimo a reng a se etse (*sheba Baheb. 11:7*). Ebile mohlala oa pele oa tumelo e iponahatsang ka ho mamela, leng eona feela tumelo e hlokehang. (*Jakobo 2:20*).

Ka bokhutsoane, leha Nooe “a fumane mohau mahlong a Molimo” (*Gen. 6:8*), e n’e le karabong ea mohau ona, oo a neng a se ntse ao fuoe, Nooe a ileng a tšepahala, a mamela taelo ea Molimo. Na see ha se sona se tlamelang ho etsahla ka rona bohle?

Bala 2 Petrose 2:5–9. Ke hobaneng ebile lelapa la Nooe feela le pholosoang? Ke thuto efe eo re ka ithutang eona paleng ea Nooe malebana le boikarabelo ba rona ba ho lemosa lefatše ka kahlolo e tlang?

Ketsahalo ea Moroallo

Kutu-ketso 'asah, "etsa," e buoang ka ketso tsa Nooe, e boetse ke lentsoe la sehlooho tlhalosong ea Genese ea tlhohleho (*Gen. 1:7, 16, 25, 26, 31; Gen. 2:2*). Ketso tsa Nooe tsa ho mamela li tšoana le ketso tsa Molimo tsa tlhohleho. Seo re ka se nkang mona ke hore moroallo ha se fela taba ea hore Molimo o ahlola batho, empa le hore Molimo o oa re lopolla.

Bala Genese 7. Ke hobaneng ha tlhaloso ea moroallo e re hopotsa tlhaloso ea tlhohleho? Ke lithuto life tseo re ka ithutang tsona tšoanong ea ketsahalo tsee tse peli?

Ha u balisisa litemana tse hlalolang moroallo u bona tšebeliso ea mantsoe le lipoleloana tse tloaelehileng paleng ea tlhohleho: "supa" (*Gen. 7:2, 3, 4, 10; bapisa le Gen. 2:1-3*); "e tona le e tšehali" (*Gen. 7:2, 3, 9, 16; bapisa le Gen. 1:27*); "ka ho tšoana hoa tsona" (*Gen. 7:14; bapisa le Gen. 1:11, 12, 21, 24, 25*); "liphoofofo," "linonyana," "lihahabi" (*sheba Gen. 7:8, 14, 21, 23; bapisa le Gen. 1:24, 25*); le "phefumoloho ea ho phela" (*Gen. 7:15, 22; bapisa le Gen. 2:7*).

Ka hona, Pale ea moroallo e baleha joaloka pale ea tlhohleho. Ho phetsoa hona hoa mosebetsi oa tlhohleho ho thusa ho bontša hore Molimo ea hlolang ke Molimo ke eena Molimo o timetsang (*Deut. 32:39*). Empa ho phetsoa hona ho boetse ho phatlalatsa molaetsa oa tšepo: moroallo o reretsoe ho ba tlhohleho e ncha, e tsoang ka metsing, eleng se isang bophelong bo bocha.

Ho phalla hoa metsi ho bontša hore ketsahalo ena ea tlhohleho, haele hantle, e bontša ho etsolloa hoa tlhohleho ea Genese 1. Papisong le Genese 1, e hlalolang ho arohana hoa metsi a holimo le a tlase (*Gen. 1:7*), moroallo o etsa hore a kopane kaha a ile a tlola meelii ea oona (*Gen. 7:11*).

Ketsahalo ena e bontša molaetsa o loantšanang: Molimo o tlameha ho senya se teng hore a lumelle hore o be le tlhohleho e ncha kamora moo. Tlhohleho ea lefatše le lecha e hloka hore la khale le senngoe. Ketsahalo ea moroallo e bontša topollo ea lefatše ea ka moso qetellong ea nako: "'Eaba ke bona leholimo le lecha le lefatše le lecha, hobane leholimo la pele le lefatše la pele li ne li fetile.'" (*Tsen. 21:1; bapisa le Esa. 65:17*).

Ke'ng e hloakang ho timetsoa ka ho rona hore re boptjoe bocha? (*Sheba Baro. 6:1-6.*)

Qetello ea Moroallo

Genese 7:22–24 e hlalosa litla-morao tse kholo tse matla tsa metsi, a “timelitseng sohle se phelang” (*Gen. 7:23.*) a “bileng lefatšeng matsatsi a lekholo le mashome a metso e mehlano” (*Gen. 7:24.*). Ke hona maemong ana a tšenyō e akaretsang le tlhokeho ea tšepo Molimo a ileng “a hopola” (*Gen. 8:1*). Poleloana ena e behiloe hara litemana tse buoang ka Moroallo, eleng se bontšang hore taba ena ke eona khubu ea molaetsa oa pale ea Moroallo.

Bala Genese 8:1. Ho bolelang hore Molimo o ile “a hopola” Nooe?

Kutu-ketso *zakhir*, “hopola,” e bolela hore Molimo o ne a sa lebala; e fetisisa taba e etsahalang ka kelellong feela. Ho ea ka Bibe, “Molimo ea hopolang” e bolela hore o phethahatsa litšepiso tsa hae, ’me hangata e buoa ka topollo (*sheba Gen. 19:29*). Maemong a Moroallo, “Molimo a hopola” e bolela hore metsi a ile a “ema” (*Gen. 8:2*) hore Nooe a tsoe ka arekeng kapele (*Gen. 8:16*).

Leha ho sena taelo e hlakileng e fanoang hore a tsoe, Nooe o nka khato ea ho romela lekhoaba, kamora moo leeba, ho lekola maemo. Qetellong, ha leeba le sa khutle, o oa utloisisa hore “metsi a omme lefatšeng; ’me Nooe a bula lemati la areka a sheba” (*Gen. 8:13*).

Boitšoaro ba Nooe bo tletse lithuto tse phelehang. Ka hlakoreng le leng, bo re ruta ho tšepa Molimo leha a e-so buoe ka kotloloho; ka ho le leng, tumelo ha e re u seke oa oa nahana le ho leka pele. Tumelo ha e thibele bohlokoa ba ho nahana, ho batla, leho bona hore na seo re ithutileng sona ke ’nete na.

Holima ho le joalo, Nooe o tsoa feela kamora hore Molimo a mo laele ho tsoa (*Gen. 8:15–19*). Ke hore, leha a tseba hore ho bolokehile ho tsoa, Nooe o ntse a itšetleha ho Molimo a emela taelo e tsoang ho Molimo pele a ka tsoa ka arekeng. O ile a ema ka arekeng ka mamello. “Joalokaha a ne a kene ka taelo ea Molimo, o ile a emela tumello e ikhethang ea hore a tsoe. . . . Bonyane lenyeloi la theoha leholimong, la bula lemati le leholo, la laela Mopatariareka le lelapa la hae ho tsoa le tsohle tse phelang.”—Ellen G. White, *Patriarchs and Prophets*, leq. 105.

Bala Genese 8:1, Genese 19:29, le Lipesalema 106:4. Taba ee e reng “Molimo o oa hopola” e bolelang? ’Nete ee e bolelang bakeng sa rona hona joale, ke hore, Molimo o u bontšitse joang hore o oa u “hopola”?

Selekane: Karolo ea Pele

Joale ke nako eo selekane se tšepisitsoeng se neng se lokela ho phethahatsoa. “ ‘Empa ke tla hlaba selekane sa ka le uena; ’me u tla kena arekeng uena, le bara ba hao, le mosali oa hao, le basali ba bara ba hao ha mmoho le uena’ ” (*Gen. 6:18*). Papisong le tšoso e halalelang ea ho senya (*Gen. 6:17*), selekane sena ke tšepiso ea bophelo.

Bala *Genese 8:20*. Ntho’a pele eo Nooe a ileng a e etsa h’a qeta ho tsoa ka arekeng ke efe, hobaneng?

Joaloka Adama le Eva, ba hlileng ba khumamela Molimo ka sabatha hang kamora matsatsi a tšeletseng, Nooe o khumamela Molimo hang kamora moroallo, eleng ketsahalo e ’ngoe ea Tlholeho. Leha ho le joalo, ho na le phapano ketsahalong tsena tse peli tsa khumamelo. Ho fapana le Adama le Eva ba neng ba khumamela Molimo ka kotloloho, Nooe eena o ile a tlameha ho etsa sehlabelo. Ke hona mona moo ho buuoang ka aletare khetlo la pele ka Bibeleng. Sehlabelo ke “kabelo ea secheso” (*’olah*), sehlabelo sa khale-khale se qaphakileng haholo. Ho Nooe, sehlabelo sena e n’e le sa teboho (*bapisa le Numer. 15:1–11*), se fanoa ho bontša teboho ea hae ho ’Mopi ea mopholositseng.

Bala *Genese 9:2–4*. Moroallo o ile oa ama joang lijo tseo batho ba li jang? Taba ee eama joang molao oa Molimo oa boits’oaro?

Ka baka la litla-morao tsa moroallo, lijo tsa limela li ne se li sa fumanehe joaloka pele. Ka hona, Molimo a lumella batho ho ja nama ea liphoofole. Phetoho ena ea lijo e tlisitse phetoho likamanong tsa motho le phoofole, papisong le se bileng teng pele qalong ea tlhohleho. Tlhalosong ea tlhohleho, batho le liphoofole ba ne ba arolelana mofuta oa lijo o tšoanang ’me ba ne ba sa loane. Kamora moroallo oa metsi, ho bolaea liphoofole ho ile hoa tlisa tšabo le thothomelo likamanong (*Gen. 9:2*). Hang hoba ho qalelloe ho jana, ha ho potang hore batho le liphoofole ba ile ba ba le likamano tse fapaneng hole-hole le seo ba ileng ba natefelo a ke sona Edeneng.

Leha ho le joalo, ho liha hlooho ha Molimo, ho ne ho e na le pehelo tse peli. Ea pele ke hore e n’e se liphoofole tsohle tse ka jeoang. Ea pele e n’e hlakile ka hore na “tse hoekileng le tse sa hloekang” ke life eleng seo e neng e le karolo ea tatellano ea Tlhohleho (*sheba Gen. 8:19, 20; bapisa le Gen. 1:21, 24*). Ea bobeli e n’e hlakile e bile e le ncha, e reng ba se je mali, hobane bophelo bo maling (*Gen. 9:4*).

Selekane: Karolo ea Bobeli

Bala Genese 8:21–9:1. Bohlokoa ba boikitlaetso ba Molimo polokong ea bophelo ke bofe? Ke joang tlhohonlofatso ea Molimo e phethahatsang boikitlaetso boo?

Boikitlaetso ba Molimo ba ho lopolla bophelo e n'e le ketso ea mohau; e n'e se tholoana tsa botle ba batho. Molimo o ile a khetha ho boloka bphelo lefatšeng ho sa natsoe hore na batho ba ne ba khohlahetse hakae (*Gen. 8:21*). Genese 8:22 e baleha tjena, ha e sa hlapolloa, “lefatše ha le sa ntse le le teng” (*DRA*); ke hore, ha feela lefatše lena le ntse le le teng, likarolo tsa selemo li tla tla li fete, bophelo bo tla lula bo le teng. Ka bokhutšoane, Molimo h'a lahla tšepo tlhohlong ea hae.

Haele hantle, temana e latelang, e buoang ka tlhohonlofatso ea Molimo, e re khutlisetsa morao tlhohlong ea sethathong, le tlhohonlofatso tsa eona (*Gen. 1:22, 28; Gen. 2:3*). Jehova, ka mokho'a o mong, o ne a fa batho monyetla oa ho qala hape, ho qala bocha.

Bala Genese 9:8–17. Bohlokoa ba mookoli ke bofe? Ke joang “letšoao la selekane” (*Gen. 9:13, NKJV*) le amanang le letšoao le leng la selekane, eleng Sabatha?

Poleloana ena “thakhola . . . selekane” e phetoa habeli (*Gen. 9:9, 11, 17*), ho tšoaea sehloohlolo le phethahatso ea tšepiso ea Molimo ea sethathong (*Gen. 6:18*). Ho latela khaolo e tlang pele, e tšoanang le matsatsi a tšeletseng a tlhaloso ea tlhohleho, karolo ena e tšoana le karolo e buoang ka letsatsi la bosupa tlhalosong ea tlhohleho, Sabatha, mookoli ke letšoao la selekane (*Gen. 9:13, 14, 16; bapisa le Exoda 31:12–17*). Hape, joaloka Sabatha, mookoli o na le botlalo ba ka lefatše lohle; o teng lefatšeng lohle. Hantle joaloka Sabatha, eo eleng letšoao la tlhohleho, e le bakeng sa bohle, e le hohle, tšepiso ea hore ha ho sa tla hlola ho e ba le moroallo oa ka lefatše lohle, le eona ke ea bohle, hohle.

Nakong e tlang ha u bona mookoli, nahana ka litšepiso tsohle tsa Molimo ho rona. Hobaneng re ka tšepa litšepiso tseo, 'me mookoli o re bontša joang hore re ka li tšepa?

Nahanisisa ka Botebo: Papiso ea boemo ba menahano le boitšoaro ba batho le maemo a lefatše pele ho Moroallo le ba batho mehlang ena e re bula mahlo. Re ka tiea hore ho khohlalaha hoa batho ha se ntho'e ncha. A k'u bone tšoana e pakeng tsa mehla ea bona le ea rona.

“Libe tse tlisiseng phethetso bathong ba mehlang ea pele ho moroallo li teng le kajeno. Batho ha ba sa tšaba Molimo, molao oa hae o hatakelo a maoto. Botebo ba bolefatše bo thophothetseng ka hare ho batho ba mehlang eo, bo tšoana le ba batho ba mehlang ena. . . . Molimo ha a ea ka a rohaka batho ba mehla ea pele ho moroallo ka ho ja le ho noa. . . . Sebe sa bona e n'e le ho etsa joalo ntle le ho leboha mofani oa tsona, le bobolu ba ho ba menyollo ea lijo e se nang boitšoaro. Ba ne ba lumelletsoe ho nyala. Lenyalo e n'e le leano la Molimo; e n'e le e 'ngoe ea ntho tsa pele tseo A li entseng. O ile a fana ka litaelo tse ikhethileng malebana le taelo ena, a e apesa ho loka, le botle; empa taelo tsen li ile tsa lebaloa, eaba lenyalo lea silafala le se le sebelisetsoa ho sebeletsa litakatso. Maemo a tšoanang a teng le kajeno. Ntho'e molaong e fetelelitsoe. . . . Bobolu le bomenemene li shejoa feela ke ba boholong le ba tlase. Litlaleo tsa litaba li nyeunya litlaleho tsa lipolao. . . . Moea oa ho itaolo o hara chaba tsohle, 'me phatlatsa ea tsona e susumetsa bobo ba lefatše, tsena tsohle ha se letho haese bopaki ba litakatso tse patiloeng tsa ho hloka molao, hoo, kamora ho chophola ho beng le boithibo, ho tla tlatsa lefatše ka mali-mabe le tšenyeho. Setšoantšo sa batho ba pele ho moroallo se fanoeng ke Tšusumetso, se bontša lebelo la maemo ao lefatšeng le eang ho oona. Le hona joale, ngoaha-kholong ena, le naheng tse ipitsang tsa Bokreste, ho na le tlolo tsa molao tse molao tse etsoang tse tšoanang hantle le tseo lefatše la baetsalibe ba khale ba timelitsoeng ho lona.”—Ellen G. White, *Patriarchs and Prophets*, maq. 101, 102.

Lipotso tsa ho Qoqa:

- ① Ntho tse tšoanang sechabeng sa pele ho moroallo le sa rona ke life? Tsona li re rut'ang ka mohau oa Molimo, hore ho sa natsoe tsena tsohle, o rata lefatše 'me o ntse a batla ho boloka eo a ka khonang ho 'moloka?
- ② Batho ba bang ba etsa khang ea hore Moroallo oa metsi e n'e le oa moo Nooe a phelang teng feela. Phoso ea kutloisiso ee ke efe? Ebang see e n'e le 'nete, hobaneng ha moroallo le mookoli o mong le o mong oo u o bonang hohle moo u teng, li ka etsang Molimo motho ea leshano?